

## Ministarstvo privrede

U skladu sa Poslovníkom Skupštine podnosim inicijativu Ministarstvu privrede: za izmjenu i dopunu Zakona o vodama Kantona Sarajevo (Sl.novine Kantona Sarajevo br.18/10), u dijelu koji se odnosi na član 42. Zakona o vodama, kojim se propisuje donešenje Odluke o zaštiti izvorišta.

Razlozi za izmjenu i dopunu Zakona o vodama Kantona Sarajevo su sljedeći:

Ministarstvo prostornog uređenja, građenja i zaštite okoliša Kantona Sarajevo je u prethodnom periodu pokrenulo i završilo aktivnosti koje prethode donošenju Odluke o zaštiti izvorišta vode za piće "Sarajevsko polje" kojeg čine izvorišta "Bačevo", Konaci" i "Sokolović kolonija".

Završeni su istražni radovi na osnovu kojih je sačinjen Elaborat zaštite izvorišta i dat prijedlog Odluka o zaštiti izvorišta.

Istražnim radovima je utvrđeno da granice vodozaštitnih zona izvorišta obuhvataju i područje Federacije BiH i područje Republike Srpske te je shodno Zakonu o vodama (Sl.novine Federacije BiH broj:70/06) neophodno sporazumno donošenje odluke i usaglašavanje mjera zaštite.

U prethodnom periodu Kanton Sarajevo je putem Ministarstva prostornog uređenja, građenja i zaštite okoliša, vodio niz aktivnosti sa Federalnim ministarstvom poljoprivrede, vodoprivrede i šumarstva, kako bi se donijela odluka o zaštiti izvorišta "Sarajevsko polje".

Zbog neusaglašenosti propisa koji se odnose na zaštitu izvorišta u Federaciji BiH i propisa zaštite izvorišta Republike Srpske, te zbog negativnog mišljenja opštine Istočna Ilidža broj:01-012-981/15 b od 28.7.2015. godine, Odluku nije moguće donijeti pa je neophodno da se do usaglašavanja propisa na nivou entiteta, donese privremena Odluka kojom bi se zaštitilo izvorište vode za piće "Sarajevsko polje" od daljeg zagađena.

U tom pravcu neophodno je što prije izmijeniti i dopuniti Zakon o vodama Kantona Sarajevo, kako bi se stvorile pravne pretpostavke za donošenje privremene Odluke.

S poštovanjem!

Šef kluba SDA u SKS:  
MIRZA ČELIK

